

# Ministar Gutić u radnoj posjeti ICITAP-u

07.07.2011 10:25



Ministar unutrašnjih poslova Tuzlanskog kantona Bego Gutić boravio je juče (06.07.2011.godine) u radnoj posjeti uredu ICITAP-a (Međunarodni program pomoći u kriminalističkoj obuci) u Sarajevu, kojom prilikom se sastao sa direktorom ICITAP-a u BiH Jamesom Tillmanom.

Tokom sastanka, razgovarano je o projektima koje ICITAP implementira u Bosni i Hercegovini, kao i o mogućnostima uključenja MUP TK-a u programe za realizaciju ovih projekata.

Ovom prilikom, naglašen je značaj razmjene podataka između svih policijskih i obavještajnih agencija u BiH, s posebnim osvrtom na primjenu jedinstvenih SPI obrazaca u BiH (Standardizirani policijski izvještaji), a sve u cilju efikasnije borbe protiv svih oblika kriminala, prvenstveno organiziranog kriminala i korupcije.

Takođe je razgovarano i o inicijativi kantonalnih ministara unutrašnjih poslova za harmonizaciju zakonskih rješenja, kada je u pitanju Zakon o unutrašnjim poslovima i Zakon o policijskim službenicima.

---

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>